



Fr. Ruth Heilmann, Inatsisartunut Ilaasortaq
c/o Inatsisartoqarfik
Maani

§ 36 naapertorlugu apeqquummut nr. 2010 - 047 akissut Polaroil A/S- ip nuutinneqarneranut tunngasoq

Polaroil A/S-ip Sisimiunut nuunneqarnissaanut tunngatillugu Inatsisartut suleriaasianni § 36-mi, imm. 1 naapertorlugu Naalakkersuisut siulittaasuata § 36-mi apeqquummut 2010-010 akissutaanut uigiullugu allakkatigut ulloq 17. februar 2010 apeqquaqarsimavutit.

8. marts 2010
Sagsnr. 2010-024578
Dok. Nr. 327585

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@gh.gl
www.nanoq.gl

Matumuuna apeqqutit akineqassapput.

Apeqqut:

- 1) Qeqqata Kommuniani Kommunalbestyrelsimi ilaasortat Polaroil A/S-ip nuutinneqarnissaanut atatillugu qanoq ittumik ilusilimmillu suleqatigineqarlutillu ilisimatinneqarsimappat?
- 2) Inatsisartuni Aningaasaqarnermut ataatsimiititaliaq pisut pillugit malinnaatinneqarsimava?
 - a) Taamaassimappat qanoq?
 - b) Aamma qanga?
- 3) Polaroil A/S-ip Sisimiunut nuutinneqarnera qanoq aningaasartuutigineqarfiussava?
- 4) Polaroil A/S-imi ukiorpassuit sulisuusut Maniitsumiiginnarusuttut sunut suliffinnut neqeroorfigineqarpat?
- 5) Ukiuni kingullerni Maniitsumi suliffippassuit allanut nussorneqarnermikkut annaasat allanik taarteqarnissaannik iliuusissanik allanik Naalakkersuisut qanoq pilersaaruteqarpat?
- 6) Greenland Venture A/S-ip Maniitsumi qullersaqarfeqartup allanut nussorneqarnera pillugu Naalakkersuisut inatsisartunut nassuiaateqarnissartik qaqugu pilersaarutigaat?
- 7) Nunami namminermut Naalakkersuisoq pisut Maniitsumut avaangunartut pillugit qanoq oqaasissaqarpa?

(Inatsisartuni Ilaasortaq, Ruth Heilmann, Siumut

Apeqquiti akineqarnerat:

1-imut)

Qeqqata Kommuniani Kommunalbestyrelsi Polaroil A/S-ip nuutinneqarneranut akuutinneqarsimangilaq aamma tassunga atatillugu paasisutissinneqarsimangillat.

2-imut)

Inatsisartuni Aningaasaqarnermut ataatsimiititaliaq suliame akuutinneqarsimangilaq, Polaroil A/S-imi ingerlatsinikkut aalajangiinerit pineqarmata.

3-imut)

Polaroil A/S-imit paasisat naapertorlugit nuussinerup kingunerivaa ilanngaatisat ilanngaatigereerlugit 1. mio. koruunit *sipaarneqarmata* § 36 – soorlu tamanna apeqqummut 2010-010-mut akissummi 22. januar 2010-meersumi ilisimatitsissutigineqartoq.

4-imut)

Sulisut pineqartut tamarmik neqeroorfigineqarsimapput suliffimmi atugassarititaasut asserluinnaanik Sisimiuni suliffittaarsinnaasut. Taamaasilluni sulisut Maniitsumiiginnarniarlutik kissaateqarpata, tamanna inuup nammineq akisussaaffigaa.

5-imut)

Suliniutaareersutut naluneqanngitsut saniatigut, nunap immikkoortuanut pilersaarutaasinnaasussat kommunimi inuussutissarsiornikkut ineriartortitsinermut atatillugu kommunalbestyrelsi peqatigalugu eqqartorneqassapput.

6-imut)

Greenland Venture A/S-imut tunngatillugu aamma tassani ingerlatsinikkut aalajangiineq pineqarpoq aamma tassunga atatillugu nalunaarusiortoqassanngilaq.

7-imut)

Pineqartoq Nunamut Namminermut Naalakkersuisoqarfimmut tusarniaassutigineqarnikuvoq aamma Nunamut Namminermut, Pinngortitamut Avatangiisinullu Naalakkersuisoq apeqqutinut oqaatigisassaqaanngilaq, pineqartoq kommunit pillugit inatsisinut attuumassuteqaanngimmat.

Inussiarnersumik inuulluaqqusillunga

Med venlig hilsen

Kuupik Kleist